

VIRGINIS

25

in

NIVE
THESAURVS

Oratio

HABITA NONIS AVGVSTI
in Sacello Gregoriano Basilicæ Vaticanæ.

AB AVGVSTINO PARIS ROMANO
Vaticani Seminarij Cl.



LIBRERIA NAZ.
MAG. A.
DE MANELPHI

ROMAE, Ex Typographia Manelphi Manelphij. 1642.

SUPERIORVM PERMISSV.

Conc. Jan. 4.

Illustrissimo ac Reuerendissimo

CAPITVLO, ET CANONICIS

Sacrofanctæ Basilicæ Vaticanæ.

AVGVSTINVS PARIS VATICANI SEMINARI CL.



THesaurus Niuus, quem delabentem è cælo hac oratione piè collegi, cui aptius offeratur, quam vobis (Illustrissimi DD.) reperiō neminē; quorum luculenta in hoc Seminarium liberalitas Niuem ipsam quodammodo videtur æmulari, dum splendeat simul, & proſit; neque à nobis quicquam proficiſci debet, quod eidem liberalitati veſtræ ſuo iure non debeatur. Ipſe verò agēdis gratijs facile abſtinebo, vtpotè tanto oneri impar, cū & noſtra tenuitas reddendi vicē non ſuggerat facultatem, & beneficia veſtra numero, & magnitudine mutuum non reponſcant. Hoc tamen qualecunque obſeruantia noſtræ argumentum vobis DD. ac Patrōnis noſtris, tanquam ſtudiorum Veſtigal ſolemne dependimus. Illud, quæſo vos, excipite, & valete.

ORA-



ORATIO.



Ælum (Eminentiss. Princeps, & Illustriss. DD.) diuinæ liberalitatis ærarium anniuersaria nobis pompa Thesauros suos hodie recludit. Et quidem ad terram vel ditandam, vel exornandam, nullum promptuarium pretiosiores suppellectiles, aut grotiosiora proferre valet ornamenta, quàm cælum. Quod eò libentius impræsentiarum ostendit, quò beata Virgo supernarum arbitra facultatum, vberiori copia nescio an argenti dicam, an Niuis, ut vè est, nonnisi pretiosum depluit, quod è Virginis depluit sinu, inaudito modo & Exquilinā arcem sibi præsignat in templū, & hanc celeberrimam diem cultum auspicatur in suum. Nimirum cæleste illud ærarium Quæstorem nobis non habet amicum magis liberalissima eiusdem Virginis manu. Et nos felices vbi hæc cælestium gratiarum administra tornatiles admouet manus suas,

A 2 nemo

nemo sanè erit, cui bona quàm plurima non suppetant: vt hodie videre est, cum pijs Coniugum exorata precibus, Cælum aperit domini thesaurum optimum: Thesauros Niuis ingreditur: Niui præcipit, vt descendat, quæ rupto temporum fædere tanto accelerata imperio non tam ad vbertatem, quàm ad terræ prolabitur ornatum.

Terra, quæ prius erat arida, & ferè mortua, omni tum decore, tum fructu despoliata, hoc nivali fotu rediuiua, tota vitam halat, tota multiplices abit in partus, nihil ostendit in se non vitale; quippe cui cælum amicum arridet. Quod diebus Eliæ in Israel non fuit, quibus multæ viduæ erant, quando clausum est cælum. Ecquid aliud in terra clauso cælo appareat, quàm orbitates, quàm mortes, quàm omnis solatij vacuitas? Ecquis mortem possit effugere, cælum habens clausum? Infelix terra illa, cui cælestis gratiæ suspenduntur influxus.

Verùm ætas hæc nostra, qua Christiana pietas triumphat, eas ærumnas nusquàm nouit sustinere. Non enim sunt dies Eliæ, non regnū Achab, non sacrilegus populus: gens sancta, Christi hæreditas, regale sacerdotium; dies Mariæ, dies quibus Deipara Virgo patrat admiranda, dum reclusis cæli promptuarijs ætherias nobis opes dilargi-

5
largitur. Cælum porro nè dicas æreum, non fer-
reum, sed totū liquefactum, sed totū mellifluum.
Nescit hoc cælū ad pœnas occludi reatum, vbi
Petri cælestis ianitoris sunt præsto clauēs; vbi cæ-
li claustra vel tanti Principis nutu referantur ad
veniam: nesciunt hæc sidera non nisi benignum
exudare humorem: & vno verbo dicam cælum
esse Romanum, cui proprium, & genuinum est,
vitales semper impluere gratiarum influxus. O
temporum nostrorū felicitas summa! ò seculum
verè aureum! Aureum dixi, Auditores? Aptius
dixerim, ò seculum verè niueum! Quidni? si hac
Niue, tanquam candido lapillo currentis æui de-
signatur felicitas; eaque nobis commoda niueus
imber importat, quæ nequit suppeditare totum
mundi aurum.

Aurum terræ materies vilissima, quod pretio-
sum non natura instituit, sed hominum voluntas
efficit, laborum seges, eneruatio virtutum, ma-
lorum esca, pernicies possidentium. Væ mundo,
si auro plueret: pluit olim semel (si poetis vlla fi-
des) & pluit in puellarum dedecus, in pudicitiae
iacturam. Non hæc à pluuijs Niuibus reformi-
danda sunt mala. Nix semper innocua vt nescit
lædere, ita nunquam obesse nouit, vtpotè nobi-
lis cæli partus pellucidis elementis conflata ne de-
generet

generet infæditatem, è dominicis thesauris prodit, vt proſit.

At diuina liberalitas nunquam vno conſuevit ſiſtere beneficio, nunquam non meſſes meditat-
tur copioſiſſimas. Beata Virgo à pijs Coniugi-
bus inſtituta hæres, precantium votis benigne ar-
ridet, eorumq. bonorũ in poſſeſſionem deſcen-
dit cum Niue; qua ſimul & miſerã mortalitatem
non minus Sirij, quàm culparũ ardore refrigerat
æſtuantem, & Niuem præclarum caſtimoniæ ar-
gumentum, tanquã ſemina Virginitatis vberrimè
diſpergit, vt latiùs in terra hæc virtus proſemine-
tur. Ipſa nãque eſt Virginitatis feraciſſima plan-
ta, de qua egerminant quæcumque in toto terra-
rum orbe Virgines florent; cuiusque Virginitas
quotidie nouis fætibus exultat, itaut quidquid in
mundo virgineum eſt, quidquid eſt caſtum, ſit
partus Mariæ.

Feliciffimam igitur te dicam Roma, quæ
Troianis olim è flammis ad regnum nata terra-
rum, meliori auſpicio è Virginea Niue, quaſi è
caſtitatis ſeminario ad commune cum Maria vi-
deris renaſci puritatis imperium. Et te quis for-
tunatum non prædicet Exquiline collis? Non
ampliùs Exquilius, ſed Virginalis collis, nouis
titulis æternandus. Exulta amate collis, exulta
nuperis

nuperis cæli fauoribus . O quàm pulchrescis huius Niuis candidatus albore ! Submittite finitimi colles Exquilino fastigia , ei tantam dignitatem , tantam pulchritudinem accurrite gratulatum ; qui gloriosior efficitur niueo munere , quod illi cælitus per Deiparæ depluit manus , quàm si ex eius visceribus inexhaustæ metallorum venę exilirent : Et Virginea Nix (Auditores) thesauros suos habet , & thesauros desiderabiles : ad quos tutus est accessus , non iter imperuium , non difficilis inuentio : non enim in terræ penetralibus reconduntur , non ibi accubant flammantes dracones ; sed palàm expositi patent in agro , quò vel ipsa lenitas , & candicantia Niuis mortales omnes allicit , vt adeant , accipiant , diteſcant .

O vtinàm vasa humanitatis nostræ his opibus ditarentur , o vno castitatis ornarentur candore ; cuius innata pulchritudo ; etiã cælestium principum gloriosos ornatus æmulatur ; tantæ profectò virtutis adminiculo proximè aptaremur ad gloriam . Vnde mihi fas sit repetere oraculum illud Euangelicum , Leuate oculos vestros , videte regiones , quia iam albæ sunt ad messem : regiones tùm albicabant ad messem , vt in cælestia horrea intrarent , sed albedo illa è castitate manabat . Repetam & non ineptè , Videte nunc (Auditores)

res) videte regiones, quia iam albæ sunt ad messem; candicant ad messem regiones nostræ, virginæ Nivis beneficio, Niveus candor messem nostram indicat; nimirum ex quo albicare cœperimus castitatis proposito, & opere, iam vicina messis, iam horrea cœlestia nobis aperta apparêt. Amplectamur ergo hæc edecumatâ virtutē, hunc integritatis thesaurū indeficientem, de cuius munere habemus ad æternas cæli mansiones designari. Et si ubi thesaurus tuus, ibi & cor tuum erit, ne defosso auro incubemus, ne cor nostrum terræ infodiamus cum auro, sed huic vni Virginitatis Thesauro cor nostrum acquiescat, illo delectetur, qui & impretiabilis est, & impretiabilis hic VIRGINIS in NIVE THESAURVS.



res) videte regiones, quia iam albæ sunt ad messem; candicant ad messem regiones nostræ, virginæ Nivis beneficio, Niveus candor messem nostram indieat; nimirum ex quo albicare cœperimus castitatis¹ proposito, & opere, iam vicina messis, iam horrea cœlestia nobis aperta apparêt. Amplectamur ergo hæc edecumatã virtutẽ, hunc integritatis thesaurũ indeficientem, de cuius munere habemus ad æternas cœli mansiones designari. Et si vbi thesaurus tuus, ibi & cor tuum erit, ne defosso auro incubemus, ne cor nostrum terræ infodiamus cum auro, sed huic vni Virginitatis Thesauro cor nostrum acquiescat, illo delectetur, qui & impretiabilis est, & impretiabilis hic VIRGINIS in NIVE THESAURVS.

